

Алғы сөз

Қазақстан Республикасы Білім және ғылым министрлігінің 2016 жылдың 16 қарашасында шыққан №660 бүйрүғына сәйкес 2016-2017 оқу жылында жалпы орта білім беретін мектептердің 11-сынып оқушыларын қорытынды аттестаттауға өзгерістер енгізілді. 11-сынып оқушылары үшін қазақ тілі мен әдебиеті пәнінен әссе жазу міндеттелді. Әссе жазу мұғалімдер мен оқушылар үшін жаңа формат болғандықтан, Ұлттық тестілеу орталығы тарапынан көмекші құрал ретінде әдістемелік нұсқаулық өзірленді. Әдістемелік нұсқаулықта әссе термині, түрлері, құрылымы, ерекшелігі, талаптары және оның шығармадан айырмашылығы жөнінде түсінік берілді. Сонымен қатар әссе тақырыптары, оны бағалау критерийлері және әссе жазу үлгілері ұсынылып, оларға талдау жасалды.

Әссе талаптары және бағалау критерийлері халықаралық тәжірибелерге сүйене отырып, бірнеше дереккөздердегі мәліметтерді қарастырып, сараптап, талдап үйғарылған қорытынды шешім бойынша құрастырылды.

Әдістемелік нұсқаулық жалпы білім беретін мектеп мұғалімдеріне, оқушыларға арналады.

Әссе мен шығарманың айырмашылығы

Мектеп бағдарламасына сәйкес оқушылар әдебиет пәні бойынша шығарма жазуға дағдыланған, ұсынылған тақырыптарды таңдау, оларға жоспар құру, шығарма жазу барысында жоспарды негізге ала отырып, одан ауытқымау сияқты талаптарды игерген. Биылғы оқу жылындағы қорытынды аттестаттаудағы өзгеріске байланысты олардың әссе мен шығарманың өзіндік ерекшеліктерін түсініп, бір-бірінен айқын ажырата алуы – аса маңызды қажеттілік. Екеуі де әдебиет пәні бойынша берілетін жазба жұмысы болғандықтан, оларды жазуға негіз болатын авторлар мен шығармалар да ортақ. Көркем әдебиеттің мақсаты – қоғам мен адам, халық пен жеке адам арасындағы әлеуметтік, психологиялық жанды байланыстарды табиғи суреттеу. Шығарма да, әссе де әдеби жанр, олардың қайнар көздері ортақ, тақырыптары ұқсас болғанмен, мақсаттары, құрылышы, бағыты, тілдік қолданысы, стилі әр түрлі. Осыларды ескере отырып, оқушылардың назарына екі әдеби жанрдың өзіндік ерекшеліктері көрсетілген төмендегі кесте ұсынылып отыр. Бұл кестеде әссе мен шығарманың анықтамасы, құрылымы, мақсаты, оларды жазуға қойылатын талаптар дараланып көрсетіліп, қазақ тілінің бай сөздік қорын тиісінше дұрыс қолдана білу туралы нақты мәліметтер берілген.

	Эссе	Шығарма
Анықтамасы	<p>Эссе дегеніміз (<i>фр. тіл. Essai –тәжірбие, лат.т. exagium – құрай</i>) – философиялық, әдеби, тарихи, публицистикалық, әлеуметтану, саяси және тағы басқа саладағы ғылыми емес, автордың жеке көзқарасын білдіретін прозалық мәтін.</p> <p>Эссе жазылу мақсатына қарай оған қойылатын талаптар да әртүрлі болады. Эссе жазушы мақсатқа сәйкес эссе түрінің талаптарын сақтап отырып жазады.</p>	<p>Шығарма – оқушының туған халқының әдебиетінен алған білімін өз ойымен, дүниетанымдық көзқарасымен еркін үштастыра отырып баяндайтын шығармашылық төл еңбегі.</p> <p>Шығарма – берілген белгілі бір тақырып бойынша жазылатын, міндетті құрылымнан тұратын, пәндік білімге бағытталған шығармашылық жұмыс.</p>
	Эссенің қатаң түрде жоспарға негізделуі міндетті емес.	Шығармада жоспарды жазу міндетті.
	Эссе жеке көзқарас, сараптама, дәлелдемелерге негізделеді.	Шығарма көбінесе көркем мәтінді талдауға негізделеді.
	Эссенің мақсаты – эссе жазушының өзіндік көзқарасын, сыни ойын жетілдіру, ұстанымын дәлелді бекіту үшін жан-жақты білім алып, ақпараттық қарулану, тақырыпты ашуда метатанымдық білігін тиімді қолдану, шығармашылық қабілетін шындау, ой жүйелілігін реттеу, жазу түрлеріне қарай жазу тәсілдерін таңдай біліп, эссе түріне қарай жазу стилін сақтау, ой жүйесінің бірізділігін сақтаудағы сөз оралымдарын тиімді қолдану, шығармашылық жазбаларда сөздік қорының байлығын дамыту, талдау жұмыстарында қажетті термин сөздерді тиімді қолдану.	Шығарманың мақсаты – жазылым тілін, логикалық ойлауды дамыту.

Емтихан жұмысының сипаттамасы

Жазбаша емтихан жұмысы – эссе.

Уақыты: 3 сағат (180 минут).

Оқушылар берілген тақырыптардың ішінен біреуін таңдайды. Жазылған эссе жұмысы жалпы 20 балмен бағаланады. Оқушылар өздері таңдаған тақырып бойынша эссе көлемі 200 – 250 сөз болса, қазақ әдебиетінен тереңдетілген сыныптарда 250 – 300 сөзден тұратын эссе жазады. Оқушылар шимай парапты қолдана алады. Шимай парапты оқушы жұмыспен бірге тапсырады, бірақ тексерілмейді. Емтихан уақытында әдебиет хрестоматиясы, тақырыпқа қатысты көркем әдебиеттер, мақал-мәтел, қанатты сөздер кітаптары аудиторияға қойылады.

Емтиханда жазылатын эссе түрі Академиялық эссе

Қорытынды атtestаттау емтихан болғандықтан, жазба жұмысы **Академиялық эссе** түрі бойынша жазылады. Академиялық эссе ұзақ және қысқа мерзімді қамтиды.

Зерттеу жұмыстарына **ұзақ мерзімді академиялық эссе** тән. Ұзақ мерзімді академиялық эссеге кеңейтілген эссе түрі жатады. Оқушы қызығушылығымен таңдал алған тақырыбына зерттеу жүргізеді. Зерттеу 1- 1,5 жыл мөлшерін қамтуы мүмкін.

Қысқа мерзімді академиялық эссе білім алушының оқыған, талдаған, сараптаған білімін бағалау үшін беріледі. Қысқа мерзімді академиялық эссе емтиханға бөлінген уақытта орындалады. Академиялық эссе кез келген пәндер: жаратылыш, гуманитарлық, тіл, әдебиет бойынша жазылады. Әр пән функционалдық міндеттіне сәйкес білім алушының білім нәтижесін бағалауға бағыттайтының. Ана тілі мен әдебиеті пәндерінің қорытынды атtestаттау емтиханында **әдеби эссе** жазады.

Әдеби эссе – эссе түрлерінің ішіндегі ең күрделісі. Ол жазылу мақсатына қарай **әдеби-талдау** эссе, **әдеби-сыни** эссе, **әдеби-синтез** эссе, **әдеби-дәлелдеме** эссе, **әдеби-салыстырмалы** эссе, **әдеби-шығармашылық** эссе болып бөлінеді. Әдеби эссенің әр түрінің жазу әдістері бар. **Әдеби-талдау** эссені туындыға талдау жасай отырып жазады. **Әдеби-сыни** эсседе автор көзқарасына, автор бейнесіне, автор үлесіне сынни көзқарасын, пікірін білдіріп жазады. **Әдеби-синтез** эсседе бір тақырыптың бірнеше туындыдағы көрінісін талдай келе, шешім шығарады. Шешіміне талдау жүргізе отырып, қорытындыға келеді. **Әдеби-дәлелдеме** эсседе өз ұстанымын көрсете отырып, аргументтер арқылы дәлелдеп жазады. **Әдеби-салыстырмалы** эсседе туындыны басқа туындымен және сол

туындыдағы кейіпкерлерді, оқиғаны салыстыра отырып, талдап жазады. **Әдеби-шығармашылық** **эссе**де көркем туындыдағы оқиғаны өз шығармашылығымен оқиға тудырып және кейіпкер рөліне еніп немесе оқиға уақытына, мекеніне түсіп, сезімін, ойын, жай-күйін баяндап, сипаттап, суреттеп жазады.

Әдеби эссеңің әр түрінің мақсаты, жазылу ерекшеліктері бар. Мақсат, жазылу ерекшеліктері эссе тақырыптары арқылы айқындалады. Мысалы:

- «Мұхтар Әуезовтің «Көксерек» повесіндегі тосын және қатыгез эмоцияларды автордың оқырманына жеткізу тәсілдерін талдап жаз». Әдеби-талдау эссе автордың тосын және қатыгез эмоцияларды жеткізу үшін қолданған тәсілдерін тауып, талдап жазылады.
- «Мұхтар Әуезов «Көксерек» повесіндегі тосын және қатыгез эмоцияларды оқырманына қаншалықты әсерлі жеткізе алды?» Әдеби-сыни эссе автордың тіл шеберлігіне сынни бағасын бере отырып жазылады.
- «Тосын және қатыгез эмоциялардың М.Әуезовтің «Көксерек» повесі және әлемдік әдеби туындылардағы көрінісі». Әдеби-синтез эсседе бірнеше туындылардағы тосын және қатыгез эмоциялардың берілуін талдай келе, өзіндік бағасын шығарады, көзқарасы тұрғысынан шығарылған бағасына талдау жүргізеді.
- Мұхтар Әуезовтің «Көксерек» повесіндегі тосын және қатыгез эмоциялар оқырман психологиясына кері әсер ете ме? Әдеби-дәлелдеме эсседе білім алушы өз позициясын /ұстанымын/ танытады. Позициясын аргументтер арқылы дәлелдей жазады. Аргумент келтіруде Мұхтар Әуезовтің «Көксерек» повесімен ғана шектелмей, неғұрлым өзге дереккөздерден аргументтер келтірген сайын, соғұрлым эссе бағасы жоғарылайды.
- «Мұхтар Әуезовтің «Көксерек» повесіндегі Құрмашсың. Жоғалып кеткен Көксеректі күтпеген сәтте кездестірдің. Көксерек саған қарсы шауып, сен жарапандың. Осы сәттегі сезіміңді сипаттап жаз. Әдеби-шығармашылық эссе жазуда Құрмаш рөліне енеді, сезімін, жай-күйін сипаттап жазады.

Эссе құрылымы

1. Эссе тақырыбын түсінгені туралы сөйлем
2. Тақырыптың өзектілігі туралы жазу
3. Тезис (позиция/ұстаным, негізгі идея)
4. Кіріспе бөлімнен негізгі бөлімге өтуші сөйлем (қажет болғанда)

1. Тезисті қолдаушы пікір
2. Пікірге қатысты аргумент
3. Анализ
4. Абзацты қорытындылаушы сөйлем
5. Негізгі бөлімнің бір абзацынан екінші абзацына өтуші сөйлем (қажет болғанда)

1. Тезисті қолдаушы пікір
2. Пікірге қатысты аргумент
3. Анализ
4. Абзацты қорытындылаушы сөйлем
5. Негізгі бөлімнің бір абзацынан екінші абзацына өтуші сөйлем (қажет болғанда)

1. Тезисті қолдаушы пікір
2. Пікірге қатысты аргумент
3. Анализ
4. Абзацты қорытындылаушы сөйлем

1. Кіріспе бөлімдегі тезиске қайта оралу (логикалық байланысын басқа сөйлем арқылы жеткізу)
2. Негізгі бөлім абзацтарының түйіні
3. Эссені қорытындылаушы сөйлем (эссе ерекшелігіне қарай ұсыныс, шешімдер де жазылады).

Әдеби-талдау эссе

Әзілхан Нұршайықовтың «Ақиқат пен аңыз» роман-диалогіндегі автордың батыр мінезін танытуын талдап жазыңыз.

Батыр – ерен күш иесі, еш нәрседен қорықпайтын, жауға тік келетін айбарлы адам. Адамның батырлығы, батырға тән мінезі жағдаят үстінде танылады. «Ақиқат пен аңыз» роман-диалогіндегі кейіпкер – Ұлы Отан соғысының батыры Бауыржан Момышұлы. Әзілхан Нұршайықов туындыда аты аңызға айналған батырды оқырманына барынша жеткізуге тырысқан. Оны қан майдандағы батыр ретінде ғана емес, адам құндылықтары тұрғысынан да таныта білген.

Роман-диалогте Бауыржан Момышұлы қара батырға тән мінезімен көрінеді. Оны автор Серебряковтың Жоғарғы Президиумға жазған хатындағы: «...ұрыс үстінде Момышұлы жарапы болды. «Енді шегінерлік жер жоқ, полкта адам аз қалды, не көрсем де полкпен бірге көремін», - деп, ол ұрыс даласын тастап кетуден бас тартты», - деген жолдар арқылы жеткізді. Бауыржан Момышұлының бойында жігерін қайрай билетін, біrbеткейлік батырға тән мінез бар. Ол ауыр жарапанса да, ұрыс даласынан кетпеді. Мұндай батырларды қазақ халқында қара батыр деп атайды. Батырға тән қасиет алып қара күш иесі және қорықпайтын жаужуруек болумен ғана шектелмейді. Сонымен бірге, адам бойындағы жақсы қасиеттердің бәрі батырға да тән. Сондай қасиеттердің бірі ретінде автор туындыда Бауыржан Момышұлын кеменгірлігімен танытады. Автордың «...не бары жаудың екі-ақ танкін жойдым» деген сөзіне: «Сен сияқты солдаттың әрқайсысы екі танкten қирата берсе, ол осал іс пе екен!? ... сегіз фашисті өлтіріпсің, ... Ал екі мың отандасынды ажалдан аман алып қалыпсың. Бұл, біле білген кісіге, аз еңбек емес, қарағым!» - деген сөзі арқылы жазушы батырдың ақылдылығын, кішіпейілдігін, кеңпейілдігін көрсетті. Батыр Бауыржан: «Сенің мұның менің батырлығымның қасында түк емес» - деген сияқты менмендік танытпай, өзі сияқты соғыс жауынгерінің бағасын арттырып, құрметтей білді. Автор, тіпті, «Апырай, а! ...күні бүгінге дейін еліме мұндай еңбек сінірдім деп ойламаушы едім» - деп қанаттанып қалды. Мұндай даналық батырлықпен пара-пар.

Қорытындылай келе, роман-диалогтегі автор жеткізген батырдың әр сөзі, әрекеті – оқырманына үлгі. Үлгі болып қана қоймай, отан, туған жер,abyroй, парыз туралы ойлануына тұрткі болады. Бұл роман-диалогті қазақ қана оқып қоймай, әлемнің әрбір тіліне аударылып, жалпыадамзаттық құндылыққа тәрбиелеудің көркем құралы ретінде таратылуы керек.

Әдеби-талдау әссеғе құрылымдық талдау

KIPICPE

Тақырыпты түсіну сөйлемі:

Батыр - ерен күш иесі, еш нәрседен қорықпайтын, жауға тік келетін айбарлы адам. Адамның батырлығы, батырға тән мінезі жағдаят үстінде танылады. ↑

Бұл сөйлемде әссе жазушы әссеңің тақырыбына орай, әсседе талданатын мәселе туралы түсінік беріп тұр. Тақырып батыр, батырға тән мінезді талдауды сұрап тұр.

Тақырыптың өзектілігі:

«Ақиқат пен аңыз» роман-диалогіндегі кейіпкер Ұлы Отан соғысының батыры – Бауыржан Момышұлы. Әзілхан Нұршайықов туындыда аты аңызға айналған батырды оқырманына барынша жеткізуге тырысқан.

↑

Тақырыптың өзектілігі әссе жазуға себеп болған жайдан хабардар етеді. Өзекті мәселе – автордың батыр мінезін таныта білуі.

Тезис:

Оны қан майдандағы батыр ретінде ғана емес, адам құндылықтары тұрғысынан да таныта білген. ↑

Әссе тақырыбынан тезис қойылады. Тақырып батыр мінезін автордың жеткізуін сұрап тұр. Сондықтан тезис те автордың Бауыржан Момышұлының батырға тән мінезін ашуын талдауға байланысты қойылған.

НЕГІЗГІ БӨЛІМ

1 – абзац

Тезисті қолдаушы пікір

Роман-диалогте Бауыржан Момышұлы қара батырға тән мінезімен көрінеді. ↑

Тезис Бауыржан Момышұлының батырға тән мінезін ашуын талдауға байланысты қойылды. Соған қатысты тезистегі негізгі ойды қолдайтын пікір білдірілді. Пікір «қара батырға тән мінезімен көрінеді».

Аргументке дейінгі баяндау (уақыт, мекен, жағдай, қатысуышылар т.б.)

Оны автор Серебряковтың Жоғарғы Президиумға жазған хатындағы: ↑

Әдеби әссеңің ерекшелігіне қарай аргумент келтіргенге дейін сол сөздің болған уақыты, мекені, жағдай, кімдердің бұл сөзге қатысы бар екендігі туралы қысқаша баяндайды.

Аргумент

«...ұрыс үстінде Момышұлы жаралы болды. «Енді шегінерлік жер жоқ, полкта адам аз қалды, не көрсем де полкпен бірге көремін», - деп ол ұрыс даласын тастап кетуден бас тартты»

↑

Бауыржан Момышұлының батырға тән мінезін танытатын хаттағы сөйлем аргумент ретінде алынған.

Талдау(анализ)

- деген жолдар арқылы жеткізді. Бауыржан Момышұлының бойында жігерін қайрай білетін, бірбеткейлік батырға тән мінез бар. Ол ауыр жарапанса да, ұрыс даласынан кетпеді.

↑

Аргументтен кейін автордың оқырманға танытып тұрған батыр мінезіне талдау жасайды.

Абзацты қорытындылаушы сөйлем

Мұндай батырларды қазақ халқында қара батыр деп атайды.

↑

Абзацта айтылған пікір, аргумент, анализдерден кейін абзацты қорытындылап, жинақтап, бекітетін сөйлем.

Негізгі бөлімнің бір абзацынан екінші абзацқа өтуші сөйлем (қажет болғанда)

Батырға тән қасиет алып қара құш иесі және қорықпайтын жау жүрек болумен ғана шектелмейді.

↑

Бұл сөйлем әсследегі ой бірізділігін сақтау қажет болған жағдайда ғана жазылады. Осы сөйлем келесі абзацтың не туралы болатынына сілтеме беріп тұр.

2 – абзац

Тезисті қолдаушы пікір

Сонымен бірге, ← (сөз оралымы) адам бойындағы жақсы қасиеттердің бәрі батырға да тән. Сондай қасиеттердің бірі ретінде автор туындыда Бауыржан Момышұлын кеменгерлігімен танытады.

Аргумент

Автордың «...не бары жаудың екі-ақ танкін жойдым» деген сөзіне: «Сен сияқты солдаттың әрқайсысы екі танкten қирата берсе, ол осал іс пе екен!? ... сегіз фашисті өлтіріпсің, ... Ал екі мың отандасынды ажалдан аман алып қалыпсың. Бұл, біле білген кісіге, аз еңбек емес, қарағым!»

Талдау(анализ)

- деген сөзі арқылы жазушы батырдың ақылдылығын, кішіпейілдігін, кеңпейілдігін көрсетті. Батыр Бауыржан: «Сенің мұның менің батырлығымның қасында түк емес» - деген сияқты мәнмендік танытпай, өзі сияқты соғыс жауынгерінің бағасын арттырып, құрметтей білді. Автор, тіпті, «Апрай, а! ...күні бүгінге дейін еліме мұндай еңбек сіңірдім деп ойламаушы едім» - деп қанаттанып қалды.

Абзацты қорытындылаушы сөйлем

Мұндай даналық батырлықпен пара-пар.

ҚОРЫТЫНДЫ БӨЛІМ

Қорытындылай келе, роман-диалогтегі автор жеткізген батырдың әр сөзі, әрекеті – оқырманына үлгі. Үлгі болып қана қоймай, Отан, тұған жер, абырой, парыз туралы ойлануына тұрткі болады. Бұл

роман-диалогті қазақ қана оқып қоймай, өлемнің әрбір тіліне аударылып, жалпыадамзаттық құндылыққа тәрбиелеудің көркем құралы ретінде таратылуы керек.



Әдеби-талдау әсseedе тезиске оралу міндettі емес. Қозғалған тақырыптың маңыздылығы туралы жазып, өз көзқарасын қысқаша жеткізіп, аяқтайды.

Әдеби-дәлелдеме әссе

... Түркі халқының атақ-даңқы өшпесін деп,

Мені қаған етіп отырғызған еді.

Ең болмаса бай халыққа отырмадым.

Іші ассыз,

Сырты тонсыз,

Бейшара, мұсәпір халыққа отырдым.

... Бағым болғандықтан,

Сәті түскендіктен,

Өлімші халықты тірілттім.

Жалаңаш халықты тонды,

Кедей халықты бай қылдым.

Аз халықты көп қылдым,

Тату елге жақсылық қылдым...

«Құлтегін» жырындағы осы жолдардың қазіргі Қазақстанмен байланысы бар ма?

Құлтегін – екінші Шығыс Түрік қағанаты әскерінің бас қолбасшысы, «көк түріктің көк семесері» атанған атақты батыры. «Құлтегін» жырында оның түрік халқына қаған болып, билік еткен жылдарындағы мемлекет жағдайын алға өрлеткені жайлы айтылады. Менің ойымша, жыр жолдарын қазіргі Қазақстанмен байланыстыруға болады, яғни Құлтегін қаған мен Қазақстан Республикасының Тұнғыш президенті Н. Назарбаев арасындағы үқастық.

Біріншіден, Н. Назарбаев та Құлтегін қаған сияқты елінің әлеуметтік-тұрмыстық жағдайын жақсарту үшін бірқатар жұмыс атқарған. Олардың ел басқаруының алғашқы жылдарында халықтың тұрмысы мүшкіл еді. «Құлтегін» жырында:

Іші ассыз,

Сырты тонсыз,

Бейшара, мұсәпір халыққа отырдым, - десе, «Егемен Қазақстан» газетінің 2014 жылғы басылымдарының бірінде: «Қазақстан 90-жылдардың орта шенінде қалған дағдарысты жағдай республиканың барлық әлеуметтік табыстарын апат шегіне апарып қойды. ... Осының барлығы Қазақстан халқының айтарлықтай бөлігінің өмір сүру деңгейі

күрт төмөнделеп кетуіне алып келді», - деген тарихи естелік – осы құндердің айғағы. Екеуі де азат халқының осындай хал-ахуалын көтеруге күш салды. Жырдағы:

Өлімші халықты тірлттім.

Жалаңаш халықты тонды,

Кедей халықты бай қылдым, - деген жолдардың қазіргі уақытта елбасының тұн ұйқысын төрт бөліп жасаған реформалары, зандары, стратегиялық жоспарлары еліміздің өмір сүру деңгейі минимумынан төмен табысы бар азаматтардың санының азайып, халықтың әлеуметтік жағдайын көтеруімен байланысы бар. Осылайша қаған мен президент ең бірінші халқының тоқтығын қамдаған.

Екіншіден, ел басқарушылар халқының тұрмыс жағдайын көтергеннен кейін, ел іргесінің беріктігін ойластыра бастады. Жырдағы «Тату елге жақсылық қылдым, - деген жолдардан Құлтегін қағанның көршілес елдермен жақсы қатынас орната алғандығы көрінеді. Сол сияқты Елбасының дүние жүзіндегі антиядролық қозғалысқа бастама көтеруі, елімізде болып жатқан әртүрлі деңгейдегі саммиттер, халықаралық іс-шаралар әлем елдерімен бейбіт, тату өмір сүруді ұстанғанын көрсетеді. Сондықтан екі басшы да жасампаздықтарымен үқсас.

Түйіндей келе, қай дәуірде болмасын ел жағдайын ойлаған басшылар идеясында өзара ортақтастық бар. Олардың мақсаты - халқының қуаныш пен шаттықта толы бейбіт өмір сүруін қамтамасыз ету. Жер бетіндегі елдермен төрт құбыласы тең өмір сүру. Құлтегін қаған мен президент Н.Назарбаевтың ел басқарудағы мүдделері өзгелерге үлгі болуға тұрарлық.

Әдеби-дәлелдеме әссеge құрылымдық талдау

KIPICPE

Тақырыпты тусіну сөйлемі:

Құлтегін – екінші Шығыс Түрік қағанаты әскерінің бас қолбасшысы, «кек түріктің кек семесері» атанған атақты батыры. «Құлтегін» жырында оның түрік халқына қаған болып, билік еткен жылдарындағы мемлекет жағдайын алға өрлеткені жайлы айтылады.

Тақырыптың өзектілігі:

Менің ойымша, жыр жолдарын қазіргі Қазақстанмен байланыстыруға болады,

Тезис:

Яғни Құлтегін қаған мен Қазақстан Республикасының Тұнғыш президенті Н. Назарбаев арасындағы үқсастық.

БӨЛІМ НЕГІЗГІ

1 - абзац

Тезисті қолдаушы пікір

Біріншіден, ← (сөз оралымы) Н. Назарбаев та Құлтегін қаған сияқты елінің әлеуметтік-түрмистық жағдайын жақсарту үшін бірқатар жұмыс атқарған.

Аргументке дейінгі баяндау (уақыт, мекен, жағдай, қатысушылар т.б.)

Олардың ел басқаруының алғашқы жылдарында халықтың түрмисы мүшкіл еді.

Аргумент

1. «Құлтегін» жырында:

Іші ассыз,

Сырты тонсыз,

Бейшара, мұсәпір халықа отырдым, - десе, «Егемен Қазақстан» газетінің 2014 жылғы басылымдарының бірінде: «Қазақстан 90-жылдардың орта шенінде қалған дағдарысты жағдай республиканың барлық әлеуметтік табыстарын апат шегіне апарып қойды. ...Осының барлығы Қазақстан халқының айтарлықтай бөлігінің өмір сұру деңгейі күрт төмендеп кетуіне алып келді»,

2. Жырдағы:

Өлімші халықты тірілттім.

Жалаңаш халықты тонды,

Кедей халықты бай қылдым, - деген жолдардың қазіргі уақытта елбасының тұн ұйқысын төрт бөліп жасаған реформалары, заңдары, стратегиялық жоспарлары (аргументтер)

Талдау (анализ)

1. - деген тарихи естелік - осы күндердің айғағы. Екеуде азат халқының хал-ахуалын көтеруге күш салды.
2. еліміздің өмір сұру деңгейі минимумынан төмен табысы бар азаматтардың санының азайып, халықтың әлеуметтік жағдайын көтеруімен байланысы бар.

Абзацты қорытындылаушы сөйлем

Осылайша қаған мен президент, ең бірінші, халқының тоқтығын қамдаған.

2-абзац

Тезисті қолдаушы пікір

Екіншіден, ← (сөз оралымы) ел басқарушылар халқының түрмис жағдайын көтергеннен кейін, ел іргесінің беріктігін ойластыра бастады.

Аргумент

1. Жырдағы «Тату елге жақсылық қылдым,
2. дүние жүзіндегі антиядролық қозғалысқа бастама көтеруі, елімізде болып жатқан әртүрлі деңгейдегі саммиттер, халықаралық іс-шаралар

Талдау (анализ)

1. деген жолдардан Құлтегін қағанның көршілес елдермен жақсы қатынас орната алғандығы көрінеді.
2. әлем елдерімен бейбіт, тату өмір сүруді ұстанғандығын көрсетеді.

Абзацты қорытындылаушы сөйлем

Сондықтан екі басшы да жасампаздықтарымен ұқсас және басқаларға үлгі бола алады.

ҚОРЫТЫНДЫ БӨЛІМ

Түйіндей келе, қай дәуірде болмасын ел жағдайын ойлаған басшылар идеясында өзара ортақтастық бар ←(тезиске оралу).

Олардың мақсаты - халқының қуаныш пен шаттыққа толы бейбіт өмір сүруін қамтамасыз ету. Жер бетіндегі елдермен төрт құбыласы тең өмір сүру ← (негізгі бөлім абзацтарының түйіні)

Эссені қорытындылаушы сөйлем

Күлтегін қаған мен президент Н.Назарбаевтың ел басқарудағы мүдделері өзгелерге үлгі болуға тұрарлық.

Эссені бағалау

Бағалау әдеби эссе түрлерінің барлығын қамтиды, бірақ эссе түріне қарай бағалау критерийінің ішінен сол эссе түріне сәйкесі бойынша ғана бағаланады.

Балл	Сыни ой /Анализ/	Тіл сауаттылығы
9-10	<ul style="list-style-type: none"> • тақырыпты өте жақсы түсінгенін көрсетеді; • тақырыптан еш ауытқымайды; • тезисті(ұстаным, негізгі идея) тақырыпқа сәйкес өте жақсы қояды; • тезиске қатысты өте жақсы пікір білдіреді (сыни ой, көзқарас); • сыни пікіріне өте жақсы нақты дәлелдер (аргументтер) келтіреді; • анализ жасау үшін алған дәлелдерді, автор қолданған тәсілдерді өте жақсы талдайды; • әдеби терминдерді, деректерді өте орынды қолданады; • әдеби шығармаға өте жақсы сыни сараптама жасайды; • ойдың логикалық бірізділігін өте жақсы сақтайды; • өз талдауының, сараптауының 	<ul style="list-style-type: none"> • эссе тақырыбына сәйкес жазу стилін (баяндау, дәлелдеу, сипаттау) өте жақсы таңдайды; • стильге қатысты сөздерді өте тиімді пайдаланады; • ойдың логикалық бірізділігін сақтау үшін сөз оралымдарын (шылау, қыстырма сөздер) өте жақсы таңдайды; • тілдің бай сөздік қорын дәл, орынды, өте тиімді қолданады; • оқырманға ерекше әсер беру мақсатында қолданылатын көркем тіл құралдарын өте орынды қолданады; <p>Грамматикалық сауаттылық: 3 қатеге дейін</p>

	түйінін өте жақсы қорытындылап, шешім ұсынады.	
7-8	<ul style="list-style-type: none"> тақырыпты жақсы түсінгенін көрсетеді, тақырыптан ауытқымайды; тезисті (ұстаным, негізгі идея) тақырыпқа сәйкес жақсы қояды; тезиске қатысты жақсы пікір білдіреді(сыни ой, көзқарас); сыни пікіріне нақты дәлелдерді (аргументтер) жақсы келтіреді; анализ жасау үшін алған дәлелдерді, автор қолданған тәсілдерді жақсы талдайды; әдеби терминдерді, деректерді орынды қолданады; әдеби шығармаға сынни сараптаманы жақсы жасайды; оидың логикалық бірізділігін жақсы сақтайды; өз талдауының, сараптауының түйінін жақсы қорытындылап, шешім ұсынады. 	<ul style="list-style-type: none"> эссе тақырыбына сәйкес жазу стилін (баяндау, дәлелдеу, сипаттау) жақсы таңдайды; стильге қатысты сөздерді тиімді пайдаланады; оидың логикалық бірізділігін сақтау үшін сөз оралымдарын (шылау, қыстырма сөздер) жақсы таңдайды; тілдің бай сөздік қорын дәл, орынды, тиімді қолданады; оқырманға ерекше әсер беру мақсатында қолданылатын көркем тіл құралдарын орынды қолдануға тырысады. <p>Грамматикалық сауаттылық: 7 қатеге дейін</p>
5-6	<ul style="list-style-type: none"> тақырыпты қанағаттанарлық деңгейде түсінгенін көрсетеді, тақырыптан біршама деңгейде ауытқиды; тезисті(ұстаным, негізгі идея) тақырыпқа сәйкес қоюы әлсіз; тезиске қатысты білдірген пікірі (сыни ой, көзқарас) әлсіз; сыни пікіріне анализ жасау үшін алған дәлелдері (аргументтер) жеткіліксіз; автор қолданған тәсілдерді, әдеби терминдерді, деректерді қолдануы өте аз; 	<ul style="list-style-type: none"> эссе тақырыбына сәйкес жазу стилін(баяндау, дәлелдеу, сипаттау) қанағаттанарлық деңгейде таңдайды; стильге қатысты сөздерді біршама тиімді пайдаланады; қолданған сөз оралымдары (шылау, қыстырма сөздер) оидың логикалық бірізділігін жеткізуге сәйкестілігі біршама деңгейде; тілдің бай сөздік қорын біршама дәлдікпен, орынды қолданады;

	<ul style="list-style-type: none"> әдеби шығармаға қанағаттанарлық деңгейде сыни сараптама жасайды; ойдың логикалық бірізділігін қанағаттанарлық деңгейде сақтайды; өз талдауының, сараптауының түйінін қанағаттанарлық деңгейде қорытындылап, шешім ұсынады. 	<ul style="list-style-type: none"> оқырманға ерекше әсер беру мақсатында қолданылатын көркем тіл құралдары жеткіліксіз. <p>Грамматикалық сауаттылық: 10 қатеге дейін</p>
3-4	<ul style="list-style-type: none"> тақырыпты шектеулі деңгейде түсінгенін көрсетеді, тақырыптан шектеулі деңгейде ауытқымайды; тезисті (ұстаным, негізгі идея) тақырыпқа шектеулі деңгейде сәйкес қояды тезиске қатысты шектеулі деңгейде пікір білдіреді (сыни ой, көзқарас) ; сыни пікіріне шектеулі деңгейде дәлелдер (аргументтер) келтіреді; анализ жасау үшін алған дәлелдерді, автор қолданған тәсілдерді шектеулі деңгейде талдайды; әдеби терминдерді, деректерді шектеулі деңгейде орынды қолданады; әдеби шығармаға шектеулі деңгейде сыни сараптама жасайды; ойдың логикалық бірізділігін шектеулі деңгейде сақтайды; өз талдауының, сараптауының түйінін шектеулі деңгейде қорытындылап, шешім ұсынады. 	<ul style="list-style-type: none"> эссе тақырыбына сәйкес жазу стилін (баяндау, дәлелдеу, сипаттау) шектеулі деңгейде тандаиды; стильге қатысты сөздерді шектеулі деңгейде пайдаланады; ойдың логикалық бірізділігін сақтау үшін сөз оралымдарын (шылау, қыстырма сөздер) шектеулі деңгейде тандаиды; <u>тілдің</u> бай сөздік қорын шектеулі деңгейде ғана қолданады; оқырманға ерекше әсер беру мақсатында қолданылатын көркем тіл құралдарын шектеулі деңгейде қолданады. <p>Грамматикалық сауаттылық: 13 қатеге дейін</p>
	<ul style="list-style-type: none"> тақырыпты түсінуде біршама ауытқығанын көрсетеді; 	<ul style="list-style-type: none"> эссе тақырыбына сәйкес жазу стилін (баяндау, дәлелдеу, сипаттау)

1-2	<ul style="list-style-type: none"> • тезис (ұстаным, негізгі идея) тақырыпқа сәйкес емес; • тезиске қатысты тақырыпқа сәйкес келмейтін пікір білдіреді (сыни ой, көзқарас); • сынни пікіріне келтірілген дәлелдер (аргументтер) шектеулі деңгейде; • анализ жасау үшін алған дәлелдерді, автор қолданған тәсілдерді талдауы шектеулі деңгейде; • әдеби терминдерді, деректерді шектеулі деңгейде қолданады; • әдеби шығармаға жасалған сынни сараптамасы шектеулі деңгейде; • ойдың логикалық бірізділігін де шектеулі деңгейде сақтайды; • өз талдауының, сараптауының түйінін қорытындылап, шешім үсынуы шектеулі деңгейде; 	<p>шектеулі деңгейде талдайды;</p> <ul style="list-style-type: none"> • стильге қатысты сөздерді шектеулі деңгейде қолданады; • ойдың логикалық бірізділігін сақтау үшін сөз оралымдарын (шылау, қыстырма сөздер) шектеулі деңгейде таңдайды; • <u>тілдің</u> сөздік қорын шектеулі деңгейде қолданады; • оқырманға ерекше әсер беру мақсатында қолданылатын көркем тіл құралдарын шектеулі деңгейде қолданады; <p>Грамматикалық сауаттылық: 13 қатеден көп</p>
0	<ul style="list-style-type: none"> • тақырыпты түсінуде ауытқығанын көрсетеді; • тезисті (ұстаным, негізгі идея) тақырыпқа сәйкес қоя алмайды; • тезиске қатысты тақырыпқа сәйкес келетін пікір (сыни ой, көзқарас) білдіре алмайды; • сынни пікіріне дәлелдер (аргументтер) келтіре алу деңгейі өте шектеулі; • анализ жасау үшін алған дәлелдерді, автор қолданған тәсілдерді шектеулі деңгейде де талдай алмайды; • әдеби терминдерді, деректерді шектеулі деңгейде де қолдана алмайды; 	<ul style="list-style-type: none"> • эссе тақырыбына сәйкес жазу стилін (баяндау, дәлелдеу, сипаттау) шектеулі деңгейде де таңдай алмайды; • стильге қатысты сөздерді шектеулі деңгейде ғана пайдаланады; • ойдың логикалық бірізділігін сақтау үшін сөз оралымдарын (шылау, қыстырма сөздер) шектеулі деңгейде де таңдай алмайды; • <u>тілдің</u> бай сөздік қорын шектеулі деңгейде ғана қолданады; • оқырманға ерекше әсер беру мақсатымен көркем тіл құралдарын шектеулі

	<ul style="list-style-type: none"> • әдеби шығармаға шектеулі деңгейде де сынни сараптама жасай алмайды; • ойдың логикалық бірізділігін шектеулі деңгейде де сақтай алмайды; • өз талдауының, сараптауының түйінін шектеулі деңгейде де қорытындылап, шешім ұсына алмайды. 	<p>деңгейде де қолдана алмаған;</p> <p>Грамматикалық сауаттылық: 13 қатеден көп</p>
--	--	--

Әдебиет: Сыни ой /Анализ/	Балл	Баға	Қазақ тілі: Тіл сауаттылығы	Балл	Баға
	9-10	5		9-10	5
	7-8	4		7-8	4
	4-6	3		4-6	3
	0-3	2		0-3	2

Сыни ой /Анализ/

Оқушының әссе тақырыбын түсініп, тақырыпқа қатысты сынни ой білдіруі, оны нақты аргументтермен дәлелдей білуі бағаланады. Әссе барысында оқушы тақырыптан ауытқымауы керек. Сыни ой, талдаулары тезистегі негізгі идеяға, ұстанымға сәйкес болуы қажет. Анализ жасау үшін алған дәлелдерді, автор қолданған тәсілдерді түсініп талдай отырып, әдеби шығармаға сынни сараптама жасай білу дағдысы ескеріледі. Негізгі идеяға сәйкес ойдың логикалық бірізділігін сақтайтында өз талдауының, сараптауының түйінін қорытындылап, шешім ұсынады.

Тіл сауаттылығы

Әссе тақырыбына сәйкес жазу стилін (баяндау, дәлелдеу, сипаттау) таңдай білуі бағаланады. Стильге қатысты сөздерді, ойдың логикалық бірізділігін сақтау үшін қолданылатын сөз оралымдарын (шылау, қыстырма сөздер) орынды қолдануы қажет. Тілдің бай сөздік қорын дәл, орынды, нақты қолдана білуі керек. Оқырманға ерекше әсер беру мақсатында көркем тіл құралдарын қолдануы керек. Грамматикалық жағынан сауатты жазуы қажет.

11-сынып оқушылары үшін қазақ тілі мен әдебиеті пәнінен эссе жазу емтиханында мектеп бағдарламасы бойынша таңдалған авторлар мен олардың шығармалары

Эссе тақырыптары мектеп бағдарламаларына сәйкес 10-11-сыныптардағы қазақ әдебиеті пәнінің қоғамдық-гуманитарлық және жаратылыстанию-математика бағыттарына арналған оқулық пен хрестоматияға енген авторлар мен олардың шығармалары бойынша дайындалды.

Оқу-әдістемелік құралда:

- 1) 11-сынып оқушылары 5-9-сыныптардағы әдебиет пәні бойынша негізгі мектепті бітіру емтиханын тапсырғандары ескерілді;
- 2) 10,11-сыныптардағы әдебиет пәні қоғамдық-гуманитарлық және жаратылыстанию-математика бағыттарына бөлінетіндігі назарға алынды;
- 3) Мектеп бағдарламасы бойынша 10,11-сыныптардағы әдебиет пәні қоғамдық-гуманитарлық және жаратылыстанию-математика бағыттарына арналған оқулық пен хрестоматияда екі бағытқа да ортақ енгізілген авторлар мен олардың шығармаларығана қамтылды.

Эссе жазуға дайындық үшін ұсынылатын шығармалар

10-сынып бойынша:

Авторлары:

Оқулық, Қазақ әдебиеті оқулығы, 10-сынып, *КФБ*, С.Қирабаев, Ұ.Асыл, К.Құрманбай, С.Дүйсебаев, Б.Әрінова, «Мектеп» баспасы, 2014 жыл.

Хрестоматия, З.Ахметов, Ұ.Асыл, «Мектеп» баспасы, 2014 жыл.

Оқулық, Қазақ әдебиеті оқулығы, 10-сынып, *ЖМБ*, Қ.Алпысбаев, Б.Әбдіғазиұлы, Б.Сманов, Ж.Сәметова, «Мектеп» баспасы, 2014 жыл.

Хрестоматия, Қ.Алпысбаев, Ж.Сәметова, А.Далабаева, «Мектеп» баспасы, 2014 жыл.

1. Махамбет Өтемісұлы, «Қара нар керек бұл іске», «Қызығыш құс», «Еңселігім екі елі» өлеңдері.
2. Дулат Бабатайұлы, «Еспембет» поэмасы.
3. Шортанбай Қанайұлы, «Зар заман» өлеңі.
4. Сүйінбай Аронұлы, «Сүйінбай мен Қатағанның айткысы»
5. Қашаған Құржіманұлы, «Есқали сұзыға айтқаны», «Байларға», «Оразалыға» өлеңдері.
6. Мұрат Мөңкеұлы, «Қызыз» өлеңі.
7. Мәшіүр Жүсіп Қөпееев, «Гибратнама», «Шайтанның саудасы» өлеңдері.

8. Үбірай Алтынсарин, «Атымтай Жомарт» («Жомарт») әңгімесі.
9. А.Құнанбаев, «Жігіттер, ойын - арзан, күлкі - қымбат» өлеңі,
19-қарасөзі, «Ескендір» поэмасы.
10. Шәкәрім Құдайбердиев, «Еңлік-Кебек» поэмасы.
11. Жаяу Мұса, «Ақ сиса» өлеңі.
12. Мұхит Мералыұлы, «Зәуреш», «Айнамкөз», «Дүние-ау» өлеңдері
13. Үкілі Үбірай, «Қалдырған» өлеңі.
14. Балуан Шолақ, «Ғалия» өлеңі.
15. Мәди Бәпиұлы, «Қарқаралы», «Қаракесек» өлеңдері.
16. Біржан сал, «Ләйлім шырақ», «Теміртас» өлеңдері.
17. Ақан сері, «Асыл мен Жасық», «Жақсы мен Жаман», «Құлагер»
18. Әсет Найманбайұлы, «Салиха-Сәмен» поэмасы.

11-сынып бойынша:

Авторлар:

Оқулық, Қазақ әдебиеті оқулығы, 11-сынып, ҚГБ, З.Қабдолов, С.Қирабаев, Х.Әдібаев, Б.Үбірайым, Ұлықман Асыл, «Мектеп» баспасы, 2015 жыл.

Хрестоматия, Ұлықман Асыл, «Мектеп» баспасы, 2015 жыл.

Оқулық, Қазақ әдебиеті оқулығы, 11-сынып, ЖМБ, Р.Бердібай, Р.Нұрғали, Б.Үбірайым, Ж.Дәдебаев, Қ.Мәдібай, «Мектеп» баспасы, 2015 жыл.

Хрестоматия, Б.Үбірайым, Р.Бердібай, Р.Нұрғали. «Мектеп» баспасы, 2015 жыл.

- 1.Ахмет Байтұрсынов, «Қазақ салты» өлеңі.
- 2.М.Дулатов, «Бақытсыз Жамал» романы.
- 3.М.Жұмабаев, «Толқын» өлеңі, «Қойлыбайдың қобызы» дастаны.
- 4.Ж.Аймауытов, «Ақбілек» романы.
- 5.С.Сейфуллин, «Сыр сандық» өлеңі.
- 6.І.Жансүгіров, «Құлагер» поэмасы.
- 7.М.Әуезов, «Абай жолы» романы.
- 8.М.Әуезов, «Еңлік-Кебек» драмасы.
- 9.С.Мұқанов, «Сұлуашаш» поэмасы.
- 10.Қ.Аманжолов, «Ақын өлімі туралы аңыз» поэмасы.
- 11.Ж.Молдағалиев, «Мен - қазақпын» поэмасы.
- 12.С.Мәуленов, «Құлын», «Түбірлер» өлеңдері.
- 13.Т.Ахтанов, «Шырағың сөнбесін» романы.
- 14.Ә.Нұршайықов, «Ақиқат пен аңыз» роман-диалогі.
- 15.М.Мақатаев, «Ақ кимешек көрінсе» өлеңі, «Дариға-жүрек» поэмасы.
- 16.М.Шаханов, «Ғашықтық ғаламаты» өлеңі.
- 17.С.Жұнісов, «Заманай мен Аманай» повесі.

18. Қадыр Мырза Әли, «Өмірдің өзі қызық-ақ» өлеңі.

19. Қ.Жұмаділов, «Тағдыр» романы.

Оқу-әдістемелік құрал жазуда пайдаланылған дереккөздер:

- «CLRC Writing Center»
(http://www.udc.edu/docs/asc/Outline_Structure_for_Literary_Analyses_Essay_HATMAT.pdf);
- <http://www.cie.org.uk/programmes-and-qualifications/cambridge-international-as-and-a-level-english-literature-9695/past-papers/>
- <http://www.bucks.edu/media/bcccmedialibrary/pdf/>
- Cambridge International Examinations is part of the Cambridge Assessment Group. Cambridge Assessment is the brand name of University of Cambridge Local Examinations Syndicate (UCLES), which is itself a department of the University of Cambridge.
- <http://www.tacomacc.edu/academics/studentlearningcenters/writingwritingcenter/>
- <https://k-5unitsofwriting.wikispaces.com/file/view/Grade+5+A+Literary+Essay+based+on+Eleven+by+Sandra+Cisneros.pdf>
- <https://www.teacherspayteachers.com/FreeDownload/Essay-Rubric-091790000-1376770082>

Тағы басқа көптеген қайнаркөздердегі мәліметтер оқылып, талданып, сарапталды.